

آبونه شمر الخطی

ممالك عثمانیه ده سنه لکی (۶۵) ، التي
آبانی (۳۵) غروشد .
ممالك اجنبیه ده سنه لکی (۱۷) ، التي
آبانی (۹) فرقتدر .

اداره خانه

باب عالی چاده سنده اورخان بك خاتمه
نومرو ۲۳-۲۶

اخطارات

آبونه بدلی بشیندر .

§

مسلكه موافق آثار مع المنونیه قبول
اولنور . درج ایدیامین یازیلر
اعاده اولوعاز .

الشیخ الاسلام

۱۳۳۰ ♦♦♦ ۱ ♦♦♦ ۶

اخطارات

رساله مزین آلتدیغی کونترامک شرطیه
یشون یازیلر هر هانکی رغزته طرفندن
اقتباس اولونه یینیر .

§

مکتوبلرک ، امضایرک واشج و
اردقوناقلی اولمسی و آتونه صبره
نومروسی محتوی یولونمسی لازمدور .

§

ممالك اجنبیه بچون آبونه اولانلرک
آدرسارینک قرانصر ده یازاسی
رجا اولنور .

§

یاره کوندرلرکی زمان نهیه دائر ولدیغنک
واضحاً ییلدیلمسی رجا اولنور .

والله یهدی من یشاء الی صراط مستقیم دینی ، علمی ، ادبی ، سیاسی هفته لقی مجموعه اسلامیه در

اتبعون اهدکم سبیل الرشاد

صاحب و مدیر مسئول : ح . اشرف ارباب

عدد ۲۳۶

۱۲ ربیع الآخر ۱۳۳۱

نخشبته

۷ مارت ۱۳۲۹

جلد ۱۰

فَلْتَنَّمَا

اخلاق اسلامیه نك اساسلری

۱۳

وظیفه بجه ختام ویرمه دن هر حالده مسئولیت اخلاقیه یه ، مکلفیته ، عقله مستند اولان وشوقدرکه بالاده شرح وتفصیل ایتدیگمز اوزره ایکی درجه اوزره تجلی ایدن وظیفه تصویری حقننده کی مسرودات سابقه مزنی بردها خاطره کتیره دک شونی ده سوبلیه لم که انسانلرده کی تفاوت تربیه اقتضاسنجه درجه مکلفیتلری ده متفاوت اولمق ایجاب ایتدیگندن - اهل آخرت ایله اهل الهدن ، دمین بحث ایتدیگمز صروده خفیفجه اشارت ایتدیگمز اوزره - وظائف دینیة اخلاقیه - مزده ایکی درجه لیدر . وظائفك اك آشغی درجه سی آخره قارشى « عدل » ، نفسه قارشى « رخصت » در . مافوق درجه سی ایسه آخره قارشى احسان ، نفسه قارشى « عزیمت » در . بو ، متأخرین فلاسفه نك وظائفی « وظائف مضیقه Devoirs stricts » ایله « وظائف موسعه Devoirs larges » دییه تصنیف ایتلرینه يك بکزر . برمسلم مکلف کندیسنه لایق کوردیکی مرتبه یه کوره تعدی یه قارشى مقابله یه مأذون اولسه بیله ده یوکسک برمرتبه اخلاقیه اهلندن ایسه شره خیر ایله مقابله ایتک وظیفه سیله کندیسنی مکلف عد ایدر .

اهل عدل ورخصت اولانلر آتیده کی آیتلرله عامل اولورلر :
« ولکم فی القصاص حیاة یا اولی الالباب لکم تتقون »
ای عقل صاحب لری ! سزك ایچون قصاصده حیات واردر . بونکله برابر اومولورکه الهدن اتقا ایده سکز . « سورة بقره آیت ۱۷۵

« فمن اعتدى علیکم فاعتدوا علیه بمثل ما اعتدى علیکم واتقوا الله واعلموا ان الله مع المتقين » هر کیم سزه تعدی ایدرسه سزه ایتدیکی تعدینسک مثلیله اوکا مقابله ایدیگمز . لیکن الهدن اتقا ایدیگمز . وبیلیگمز که الله متقین ایله برابر در . « سورة بقره آیت ۱۹۰ »
« وجزاء سيئة سيئة مثلهما فمن عفا واصح فاجره على الله انه لا يحب الظالمين » برسیئنه نك جزاسی اونک کی برسیئنه در . لیکن هر کیم راه عفو وصلاحی طوتارسه اجری الله قایلر . شبهه سز الله تعالی ظلم ایدنلری سومز . « سورة شوری آیت ۳۸

اهل احسان وعزیمت ایسه آتیده کی آیات کریمه ایله عمل ایدرلر :
« وان تعفوا اقرب للتقوى » اکر عفو ایدرسه کز تقوایه دها موافق برایش یامش اولورسکز . « سورة بقره آیت ۲۳۸

« ولیعفوا ولیصفحوا الاتحبون ان یغفر الله لکم » برده اونلر عفو وصفح ایله معامله ایتسونلر . اللهك سزه مغفرت ایتدیگنی ایسته مز میسکز ؟ « سورة نور آیت ۲۲

« ان تبدوا خیراً او تحفوه او تعفوا عن سوء فان الله کان عفواً قدیداً » سز اکر بر خیری اظهار ویاخود بر فنانی عفو ایدرسه کز شبهه سز الله تعالی صاحب عفو جزیلدر ؛ سزی عفو ایدر . صاحب قدرت واسعه در ؛ سزه مقابله ایتکه قادردر . « سورة نسا آیت ۱۴۸ »
« وان تعفوا وتصفحوا وتغفروا فان الله غفور رحیم » اکر اونلرک دشمنلرک برینه قارشى عفو ایله معامله ایدر ، مقابله ایتزسه کز ، خطالری ستر ایدرسه کز شبهه سز الله تعالی غفور ورحیمدر . « سورة تغابن آیت ۱۴

« للمتقين الذين ینفقون فی السراء والضراء والکاظمین الغیظ والعافین عن الناس والله یحب الحسینین » او متقیلر ایچون که یسر حاللرنده ده ، عسر حاللرنده ده اتفاق ایدرلر ، غیظلرینی یگزلر ، خاخی

عفو ایدر لر . الله ده ذاتاً بویه محسنلری سور . « سورة آل عمران آیت ۱۲۸

— « فاعف عنهم واصفح ان الله يحب المحسنين = يا محمد ! سن اونلری عفو ایت ، فناقلربینه مقابله ایتمه ، شبهه سز الله محسنلری سور . « سورة مائده آیت ۱۶ .

— « فبما رحمة من الله لنت لهم ولو كنت فظاً غليظ القلب لانفضوا من حولك فاعف عنهم واستغفر لهم = اللهم رحمتی اثریدر که سن اونلره قارشی ملایم طاورانیورسک . یوقسه اکر درشت سوزلی ، قاتی قلبی بر کیسه اولیدک سنک یانکدن طاغیلرلردی . او حالده سن اونلری عفو ایت و آنلر ایچون استغفار ایت . « سورة آل عمران آیت ۱۵۳ .

— « خذ العفو وأمر بالعرف وأعرض عن الجاهلین = عفو صاریل ، اییلکی امر ایت ، جاهلرلردنه یوز چور . « سورة آل عمران آیت ۱۹۸ .

احمد نعیم

اسلامده فن و فلسفه

معتزلین

فرقان مبین واحادیث نبویه نك الیهیات وحکمیاته عاند اولان پارچه لری هجرت پیغمبرینک داها برنجی عصرندن اعتباراً نظریات فلسفیه ایچون یک زنکین بر موضوع تشکیل ایتمه باشلامشلردی . آثار فلسفیه یونانیه نك لسان عربی یه نقلندن خلی زمان اول ، عالم اسلامده بر حرکت فلسفیه تولد ایتمش اولدینی محققدر . اوروپالی تاریخ علوم مؤلفلرندن بعض ذواتک جهان اسلامیه فکر حکمتک ظهورینه منشأ اوله رق کتب فلسفیه یونانیه نك لسان عربی یه نقلی زماننی کوسترمیلری یا کلس و خطا آلود بر ادعادر . جناب حیدرک حکمیات الیهیه و اخلا قیه سندن صرف نظر ایدلسه بیه ؛ مشارالیهک دور خلافتنده ؛ علم کلامک اساسلری احضار ایدلمکه باشلانلش اولدینی شبهه سزدر . اسلامک کندیسنه مخصوص بر فلسفه سی ، بر حکمت عالییه سی واردر . فلسفه اسلامیه نك منشأ و منبیه ده قرآن کریم واحادیث نبویه در . یعنی حکمت اسلامیه بر نسیلری قرآن کریم واحادیث پیغمبریه مندجدر . آثار فلسفیه یونانیه هنوز عربجه یه نقل ایدلمه مش اولدینی بر زمانده صفات الیهیه ، و مباحث روحیه حقنده متفکرین اسلامیه آرمه سنده یک دقیق مباحثات جریان ایتمش اولدینی آثار اسلافک تدقیقه تحقیق و اثبات اولنه بیلور . بالاخره کتب قدیمه نك عربجه یه نقلی ساحه تدقیق توسیعه خدمت ایتمش و عالم اسلامده فنون ریاضیه و طبیعییه نك انتشار و ترقیسنه بر مبدأ حاضر لامشدر . بر حالده که فلسفه یونانیه و هندیه یه کسب وقوف ایدن علماء اسلامیه مذاهب مختلفه فلسفیه یه تدقیق و تتبع

ایدهرک خطا آلود جهتلری میدانه چیقاره بیهجک بر اقتدار کسب ایتمش ، محتاج ایضاح اولان نکاتی تشریح و تفصیله موفق اولمشلر ، مسائل فامضه آرمه سنده بر رابطه اساسیه تأسیسنه صرف مقدرت ایتمشلردر . عالم اسلامده حرکات فکریه نك ظهور و صورت توسعنک تدقیق و تبیی جدأ شایان اهمیت بر مسئله در . آثار فلسفیه نك ترجمه و انتشاری زماننه قدر کذران ایدن مدت طرفنده کی حرکات فکریه ، بوس بوتون بر سیای خصوصیتیه مالکدر . بو دورده ظهور ایدن اعظم آرمه سنده فلسفه نقطه نظرندن الچوق شایان تتبع اولان ذوات علماء معتزله در . ارباب اعتزالک برنجی درجه ده تدقیق ایتدکلری مسائل ، صفات الیهیه ، اراده جزئییه ، قضا و قدر کی مباحث مغلقه اولمشدر . معتزلین مناقشه و مباحثه لرینی سیاسی بر جهته یعنی امامت مسئله سنه قدر ایلرله تمشلر و امام مشروعک علامات فارقه سنک تعیینی خصوصنده بر چوق مطالعات سرد ایتمشلردر .

مذهب اعتزال ، عالم اسلامده ظهور ایدن مذهبک الیه اهمیتیلرندن معدود اولوب ایکنجهی درجه ده بر چوق شعباته انقسام ایتمش واسع بر مسلك اعتقادیدر . ارباب اعتزال مطالعه لرینی عقل و منطقه توفیق ایتمه غیرت ایدهرک فکری لرینی کنیش بر ساحه ده و اولدجه سر بستانه بر طرزده جولان ایتدیرمشلردر . اسلامده حیات فلسفیه علماء اعتزالک همترلرله اویانمش و بو مذهب فلسفه اسلامیه نك ظهورینه قدر افکار متفکرینی اشغال ایلددر . حکماء اسلامیه نك نشر آثاره باشلادکلری زمانلرده بیه ارباب اعتزال موقع فلسفیلرینی محافظه ایده بیلدیرمشلردر . ابن سینادن اول کلمش اولان علماء اعتزالک آثارندن بزه قدر یک آز بر شیئی انتقال ایتمش ایسه ده شهر ستانی کی بعض اعظمک مؤلفاتی ایله کتب کلامیه ده مذاهب و فرق معتزله حقنده اولدجه تفصیلاتلی معلومات درج ایدلمشدر .

مباحث کلامیه حقنده عالم اسلامده اویانان حرکات فکریه ریاستنده حسن بصری حضرتلری کوریلور .

حکمیات فرقانییه تدقیق و تفسیر ایدن ، مباحث کلامیه حقنده تتبعات عمیقه و مطالعات دقیقه ده بولنان ایلک علم کلام عالمی حسن بصری حضرتلریدر . مع مافیه او و قتل هنوز علم کلام بر فن مدون حاله افراغ ایدلماش اولدیفندن ، مباحث کلامیه بر اصول و برمه توده توفیقاً تدریس ایدلیور ، هر بحث پارچه پارچه ؛ آیات و احادیثک تفسیر و تشریحی صره سنده ؛ ایضاح اولنیوردی .

حسن بصری تدریساتی فقه ، حدیث و علم کلامه حصر ایتمش ایدی . علم کلام مناقشاتی ، بر اصول ، بر نظام دائره سنده و علم آداب و مناظره قواعدینه توفیقاً ال اول مشار الیهک تلامیذی آرمه سنده ظهور ایتمشدر .

مناقشات مذکوریه و بونک نتیجه طبیعییه سی اوله رق ظهور ایدن فرق مختلفه و مذاهب متنوعیه دائر مجمل و فقط قطعی معلوماتی شهر ستانی نك آثار و مؤلفاتنده بوله بیلور .